

Ko te Tūtohinga 2021 mō te Metlink Āheinga Waka Whenua Tūmatanui

Ka arotake tēnei i ia tau mō ngā tau e toru (2021-2024)

Ko te Tūtohinga nei e para i te huarahi e tutuki ai ngā herenga o Metlink ki te whakarahi ake i ngā āheinga mō ngā tāngata whaikaha ki runga i tō mātou pūnaha waka whenua tūmatanui mai i te tau 2021 ki te tau 2031. Ko ō Metlink waka whenua ko ngā pahi, tereina, waka moana, Hari Whaikaha, ngā ratonga me ngā tautoko o ēnei, tae noa ki ngā waka āwhina hou o Metlink e haere ake nei, pērā i te waka whenua tūmatanui tonotono.

He tauākī tēnei kua whakaritea i runga i ngā pukapuka ā-motu, ā-ao hoki:

- Te Whakapuakitanga o te Rūnanga Whakakotahi i Ngā Iwi o te Ao mō Ngā Tika o Te Hunga Hauā 2006 (i taunakitia e te Kāwanatanga o Aotearoa i te tau 2008)
- Te Ture mō ngā Tika Tangata o Aotearoa 1993
- Rautaki Hauātanga o Aotearoa 2016-2026
- Te Tiriti o Waitangi

Pae Tawhiti

Ko te Pūnaha Waka Whenua o Metlink e āhei ana ki te katoa; he ngāwari, he rangatira.

Ko ngā Mahi

E pūmau ana a Metlink ki:

Tētahi Mahere Mahi

- Whakatinanatia te kaupapa o te haerenga āheinga
- Me waihanga tahi, me whakawhitiwhiti tahi ki ngā rōpū waka whenua tūmatanui whaikaha, kia tika te whiriwhiri i waenga i ngā tāngata whaikaha me ngā ratonga whaikaha, mā ēnei rōpū, kotahi atu rānei i te wā whakarite i ngā hanganga me ngā ratonga waka whenua tūmatanui, kia mahi tahi ki te tautuhi, ki te whakatau hoki i ngā āheinga me ngā take haumarua
- Me whakarite tētahi Mahere Mahi, ā, arotakengia i ia tau mō ngā tau e toru. Mā te Mahere Āheinga e whakamārama ngā mahi a Metlink ki te whakamahere, ki te utu hoki i ngā mahi āheinga me ngā kaupapa i roto i te Mahere ā-Rohe Waka Whenua me te Pae Tawhiti o Te Pane Matua

Te pūnaha hoahoa Āheinga

- Tautuhia ngā wāhanga pūnaha me ngā hanganga e tautoko ai ngā tāngata whaikaha
- Me whai tonu kia mōhio, kia whakawhanake hoki i te Hari Whaikaha hei wāhanga matua o te pūnaha waka whenua tūmatanui

Te hanganga Āheinga

- Mehemea he mana tō Metlink i te hoahoa hanganga me te whakahaere, ka ū ō mātou whakaaro ki te kaupapa āheinga kia mana ōrite ai ngā tāngata katoa ki te hāereere
- Mehemea kāore i a Metlink tētahi mana i te hoahoa hanganga me te whakahaere, ka pau tō mātou kaha ki te whakaaweawe i ō mātou hoa mahi ki te whiriwhiri i ngā kaupapa āheinga i roto i ngā whakataunga kia mana ōrite ai ngā tāngata katoa ki te hāereere
- Ka mahi kia rangapū ai mātou ki ngā Mana ā-Rohe i ngā wā e arotake ana, e whakahoahoa ana rānei i ngā ratonga waka whenua tūmatanui kia haere tonu te haere. Ka arotake hoki i te hanganga me te āheinga hīkoi ki te tautuhi i ngā ngoikoretanga āheinga
- Ka whai kia eke taumata ngā waka whenua tūmatanui mō te āheinga whaikaha i runga anō i ngā herenga o te Raihana Pahi Tāone me te Tereina o Waka Kotahi e tāpae atu i roto i te Mahere ā-Rohe Waka Whenua Tūmatanui

He Āheinga Mōhiohio

- Me whai whakaaro ki ngā mōhiohio e matea ana o ngā tāngata whaikaha i ngā wā e whakarite ana, e whakatinana ana hoki i ngā panonitanga pūnaha, me ngā wā e whakahou ana i te hanganga, e whakapaipai ana rānei, e panoni ana rānei hoki ki te hanganga o te wā
- Me whai kia āhei atu, kia tini atu ngā mōhiohio ratonga mā te whakarite pānui tika, pāpāho hoki pērā i ngā hongere ataata-rongo
- Me whai kia mārama ngā takotoranga kōrero a ngā pukapuka whiringa kōrero tūmatanui a Metlink mō ngā tāngata whaikaha kia whai wāhi ai rātou

Mātauranga me te whakangungu

- Kia mahi tahi me ngā kaiako kia kuhu ki roto i ngā mahi whakangungu kaimahi o te pūnaha waka whenua tūmatanui, ngā āwhina tōtika mō ngā tāngata whaikaha, me te whakarite kia haere tonu tēnei momo whakangungu hei herenga i roto i te kirimana
- Kia whakawhiwhia e ngā kaitaraiwa katoa o ngā ratonga Hunga Whaikaha ki ngā whakangungu motuhake kia tika ai, kia pai ai te āwhina i ngā tāngata whaikaha
- Whakamanatia ā mātou tāngata mā te mōhiohio me te mārama hoki ki ngā āheinga me te Universal Design kia ea ai te pūnaha waka whenua tūmatanui i ngā hiahia o ngā tāngata whaikaha